



《續修四庫全書》編纂委員會編

續修四庫全書

上海古籍出版社

一五二・經部・孝經類

孝經內外傳五卷孝經正文一卷	〔清〕李之素輯	一
孝經詳說六卷	〔清〕冉觀祖撰	一五七
孝經集解十八卷	〔清〕趙起蛟撰	二五三
孝經精義一卷後錄一卷或問一卷原孝一卷餘論一卷	〔清〕張叙撰	三六五
孝經義疏補九卷首一卷	〔清〕阮福撰	四二三
孝經述注一卷	〔清〕丁晏輯	五一三
孝經集證十卷	〔清〕桂文燦撰	五三一
孝經學七卷	曹元弼撰	六〇五

2678/02

孝經內外傳

〔清〕李之素輯

據浙江圖書館藏清康熙五十九年李煥寶田山莊刻本影印原書
版框高一九二毫米寬二七〇毫米

序



今上以孝治天下德教所及近自公卿大夫士
下至委巷小民遠極海隅日出罔弗感發
天良嚮慕風化雖唐虞中天之治成周太
和之氣無以加茲而猶

鄒序

綸音特發刊刻孝經衍義

恩賜羣臣頒行天下俾家絃而戶誦之典綦
隆也夫子曰吾志在春秋行在孝經尊嚴
義備是孝經一書久與春秋并重天壤矣
吾黨稽古之士其可不身體力行守前經

而遵

聖訓哉憶余總角時與 李雲山先生同硯
席共起居其人敦厚溫潤口無擇言身無
擇行氣識過人已遠及長非策蹇齊安郎
同舟鄂渚時講論孝友根柢之學故交最

鄒序

久情最切歲甲子予忝捷楚闈戊辰入中
秘畱滯京華與先生隔別累載每自故鄉
來者輒問訊近狀知授徒於白泉雁臺間
日以所著孝經內外傳相勗勉其及門高
足悉循謹端雅望而知爲胡公門人也予

聞而欣慕以不得早讀其書爲憾乙未之夏先生長君石臺謁選都門出所傳孝經屬序以十餘年心慕之書得之一旦驚喜展讀因嘆先生實能身體力行故垂訓後學於無窮而詒謀孫子之深且遠也夫堯

鄉序

三

之親睦九族舜之克諧蒸乂暨禹湯文武周公之已事千古帝王卿相本身率物莫不奉孝爲至德要道他如曾仲閔高而後孝子順孫歷世皆有惜其嘉言懿行散在羣書未能合一先生乃特分著內外傳譬

諸令翠裝裘貫珠成串坐帝王士庶之孝子於一堂卽彙上下古今之言行爲兩序可以備尚友之資可以爲省身之要讀是傳者孝順之心有不勃然感油然而生者乎其裨益人心曷有旣哉在先生入以教家

鄉序

四

出以授徒亦猶行聖人之志何容心也乃太上感應不爽累黍今者石臺一發出人頭地方從聞詩聞禮之餘行其立人達人之志資父事君移孝作忠寔爲先生善教所基異日功名事業悉本此傳推而行之

易易耳然則石臺之言卽先生之言石臺之行卽先生之行謂非流光餘慶之明驗乎石臺繼述有志行當謀諸剗余知此書一出不惟上佐

九重教孝之聖心亦終當與聖經賢傳藏諸石

鄒序

五

渠天祿矣是爲序

康熙五十四年歲在乙未夏五月

賜進士通議大夫內閣學士兼禮部侍郎

欽差祭告

女媧氏

商湯王陵寢監賞山西全省綠旗兵丁前都

察院左僉都御史通政使司左右通政太

僕寺少卿通政使司右叅議提督山西學

院翰林院侍讀侍講詹事府右春坊右贊


善翰林院檢討丙子科山東正主考纂修

鄒序

六

三朝國史翰林院庶吉士年家眷同學弟鄒士

璵拜撰



序



六經皆聖人躬行心得推之以治天下國家者也學不本於經則爲詞章偃什治不本於經則爲功利權謀惟孝經爲尼山所拈作貫乎詩書易禮樂春秋之精意雖嘗口述而不作其作孝經意以補前聖所欲

王序

言而未盡使知文行忠信之教莫不根柢綱維乎此他日曾氏之子聞一貫微旨其卽所謂至德要道也歟夫參之獲罪於父誤劉氏根其事至細彈棊而解憂受杖而負慝與夔夔齋慄何異然猶見拒者三責以弗能如舜之豫親於道參自是益勉於

孝避席親承之下有經以傳後而孝之義發揮始暢極於天明地察光四海通神明皆由庸近而至高遠帝王匹夫莫之能易也我

皇上以孝治天下聖性天成薄海內外罔不和

氣蒸翔余同年 李君石臺宰豫章之南

王序

上

康民服其廉明士親其德教三年政成因出其

贈公年伯孝經內外傳一帙付之梓余受而讀之內傳則通乎教孝之言五經諸子古文皆備焉外傳以志古之行孝者虞夏商周之聖人下逮漢唐元明雖大小不一

而孝子之名必錄焉其間箋釋詳明攷証
宏博有關於世教人心至切近深遠矣
先生身雖未顯而積慶於後賢諱乎忠信
慈惠念不忝親按吏治者閱是書卽當求
忠於孝佇効譽誇對揚

殿陛呈諸

主序

主

乙覽庸非致君立身之符驗哉余適奉

命視學西江每勤訪幽逸舉盱水宋孝子黃
覺經建坊表之特祀鄉賢惜不爲先生
所見附於外傳反復雘誦而喜石臺能
以其傳家者公諸世也爲弁言於簡端
康熙五十九年歲在庚子九月提督江西

全省學政翰林院檢討加三級年眷姪梁
南王思訓頓首拜誤



主序

由

定庵先生輯孝經內外傳其內傳引經史諸儒之言外傳雜引史傳事寔附於經凡五卷蓋六藝之文皆傳先王之教於後世易詩書禮樂春秋所以明道德之指歸者其言博其事繁而其總會在於孝經鄭氏所謂恐道離散作孝經以總會之是已孝經之爲教也兼

馮序

天子諸侯卿大夫士庶人五等之品其爲倫也在父子而君臣兄弟夫婦朋友之道無不該其爲德曰愛敬而知仁聖義中和之體無不周其爲道曰民行而上下神明萬事萬物之理無不貫故曰天之經也地之義也先王之至德要道也古昔盛時治教休明五孝之

用通乎貴賤故人皆知反其本源推之於其所終極而萬化之所出王道之所成皆準諸此世之衰也綱維不立於上習俗不作於下聖人以身示之曰行在孝經欲人知所本源而反身切已守先王之教以立萬世之準其道未之易焉初古文孝經出河間顏芝其後

馮序

長孫氏江翁后蒼翼奉張禹以及孔安國劉向鄭康成皇侃邢昺等無慮百餘家然不過分析章句箋疏文義而已我

世祖章皇帝聖德聿新孝治懋建

特命廷臣纂修孝經攷宋儒真德秀大學衍義之例逮我

皇上克承先志

御極二十九年

欽定孝經衍義百卷始獲告成文義精詳理蘊
弘博非士民所能仰窺萬一者矣援神契云
士孝曰究究者以明審爲義 定庵先生於
職士也所輯內外傳以之明審

馮序

主

欽定衍義總會乎易詩書禮樂春秋之指歸遠
以發明宣聖之傳近以揚厲

聖教之緒弘敷萬化贊勸王道其裨於名教者
豈其微哉 先生姓李諱之素楚黃之麻城
人梓成而請序者其令子 石臺也以丙戌
進士宰南康有治行果無愧立身揚名之道

云

康熙六十年辛丑歲仲夏月中浣

賜同進士出身翰林院庶吉士鄰治年家翁馮

詠麟曾拜撰

馮序

四

孝經內外傳序

昔夫子嘗有言曰行在孝經由斯言也以夫子之大聖而其行乃囊括於此一書則凡百行萬善千言萬語無非孝行之支流孝經之註脚耳孟子謂堯舜之道孝弟而已矣不並可互相證明哉孝經自秦火後為河間穎達

俞序

所藏廢後傳註不下數百家而其書多無可攷今所存者惟孔安國鄭康成及唐明皇三家然皆隨經文敷衍言理而未徵事未能使讀之者感發激昂歌泣而不能自己猶以為天壤間缺事也 楚黃李定菴年祖以碩德宿學久授生徒其教人以孝為本以孝經為

宗而又博極群書蒐羅甚富上自唐虞三代下迄元明凡孝子之嘉言實行一採輯今為內外二傳若干卷內傳所載格言固可以垂訓百世至外傳所錄古孝子生平事跡其間有純行有奇節雖不必盡出於中庸要其血性丹誠鬼神可泣異類可格自皆不可得

俞序

而磨滅也先生聚古今來孝子於一書之中醞釀元氣薈萃懿嫻豈特表章之功偉乎蓋人之至性啟焉者或無所感于往事而亦自呈其天真下此則不能無假於見聞以生其感發激昂之致今得先生是書浸淫貫通令人時歌時泣不失天良是真可以教孝矣今

聖天子德極大孝遠邁隆古首以孝治天下而制科取士兼設孝經然則先生是書不惟能體吾夫子行在孝經之意而大有所闡揚而於國家教化之道其所裨益夫豈細哉今秋余奉

使入粵道出南康 石臺年伯出一編授余目不

俞序

三

揣鄙陋綴數言於簡端以告天下凡為人子者亦以見 年伯繼志述事之大孝為不可及也已

康熙庫子仲文上書海鹽年春晚生俞鴻圖

頌首拜撰



南康李石臺大令梓其尊公定庵先生孝經內外傳成授余一編讀竟為之整襟而興曰世謂作者難而未知述者尤不易也先生所著家塾警言以及玉田寶藏雲湖諸集俱關聖道人心久已家傳戶誦茲編乃教授生徒時所輯首列正文次羅行事證以經史百家之言而又獨運匠心集腋成裘殆不知硯幾穿而帚幾絕矣其自序云童子入俗未深去道不遠思有以變化其氣質吾於此知先生學問深純蓋得蒙以養正之心傳使當日出為世用其功業文章不知居何等矣乃以明經終

後跋

寶田山莊

老未克展其懷抱不亦深可惜也哉雖然羣慝者身後之浮名而著述寔不朽之盛業今大令提南宮宰百里五載於茲其得之庭訓見諸設施者亦難枚舉即如某某身列士林而兄弟參商某某家本世胄而父子乖離至於詰訟公庭大令則摘取傳中一二條以勸諭之終歸歡釋此皆余所目睹者今則風移俗易莫不以孝弟力田為務駸駸乎太和之象為近古焉異日者大令考最登朝以此書獻之 當宁頌之春官公之海內是先生能取千古人之書集為一已之書大令則以一已之

書散爲天下人之書於以翼聖道正人心厥功詎不偉歟卽以爲先生非述也作也亦無不可新安後學吳雯炯拜跋

後跋

寶田山莊

嘗謂人子之孝於親也有本之天性者有得之學問者本之天性者雖慈父不能傳之子得之學問者兄弟可以相勉勵師友可以相勸戒甚之悖逆無知之徒懿範當前亦可相觀而化也故經史百家無一書無言孝之文而孝經又特爲古今教孝之全書昔人謂讀孝經一卷卽可立身治國此意自隋唐而後知之者鮮矣己亥仲夏 衛自嶺南至蓉江 明府李石臺先生挽留署中居有間授以

太先生所輯孝經內外傳一書 每焚香莊誦未嘗不

後跋

寶田山莊

汗流浹背而淚潸潸下也蓋 御二齡喪母戊子先嚴見背計飽食煖衣於膝下者二十四年曾不知孝養爲何事況今十載不歸春禴秋嘗祭禮闕然天壤間恐無此罪人也自念此固天性之薄實亦不學之過嚮使 御得早讀此書十年雖甚饑寒困苦寧肯捨吾父吾母之墳柩而遠遊他鄉耶今見 明府治邑如家愛民如子悉遵

太先生之庭訓而仍原本於孝經內外傳一書康邑斯民獨何幸哉由此推之 御又知此書出而天下之人子

皆不爲金鑑恐未能私爲李氏之球圖矣

皆

康熙庚子初夏關中後學王御政頓首拜識

後跋

寶田山莊

余自丙午春迄今更十秋凡三歷西席所教授皆童子也童子者情獨切於孺慕愛未分於妻子是無言之孝余中心藏之矣昔醫問先生最喜教童子謂其入俗未深而去道不遠余亦云然今童子漸長余恐天性不足恃而思以學問變化其氣質然不得長者一言終無徵不信程知庵先生宦歸林下余每接其緒論言言皆龜鑑而大旨惟以不離乎孝者近是一日先生謂余曰孝道甚大古人之言孝行孝者甚多惜乎散見於羣書而未端立一傳吾每欲傳之以示後學而無如精神倦於

序一

寶田山莊

筆硯何余曰吾忝爲弟子師而敢以後學煩先生哉於是乎竊取先生之意本孝經而內外傳之內傳採孝子之嘉言外傳採孝子之實行合正文凡六卷閱二載而成質之知庵知庵欣然曰是可以梓矣子其圖之或曰孩提皆知孝何必讀書余曰不然孩提之時少不孩提之時多秦之俗豈盡如賈誼所言父假襁褓子有德色婦姑不相說則反脣而相稽毋亦其焚書之過乎或曰孝顧力行何如耳不在多言余曰是矣但言之不明則行之亦不篤昔陳元失愛於慈母苟非仇覽與之講大

倫。至性以相感悟陳元未必卒爲孝子或曰孝分內事也不可言功余曰孝雖不爲功但凡罪或可逭而不孝之罪無可逃樹欲靜而風不寧子欲養而親不逮此丘吾子之所以自溺也罪乎功乎或又曰孝門內瑣節也弟子細行也不足以責成人及天下余曰此又與於不孝之甚者也孝爲太和元氣故唐虞之際庶幾克諧文武周公善繼善述孝在天下爲天下之元氣在一國爲一國之元氣在一家一身爲一家一身之元氣以孝爲瑣節細行者不亦管窺蠡測乎或復辨曰孝莫大於

序二

寶田山莊

尊養貧賤者尊養之薄也孝莫深於愛敬儀文者愛敬之名也吾之論孝與子異余曰固已夫子之爲孝不達於義也宜聖以孝迪人而顏曾閔路不妨貧賤丐兒以孝自盡而拜跪歌舞亦有儀文使必尊養而後爲孝則耕山漁河何以先貧賤而升聞也使必去儀文而後爲孝則溫清定省何以明愛敬而錫類也誠如子言是以寢門問豎爲近於名而捧檄色喜爲薄於行矣豈通論乎或起謝曰說必詳而後約學必講而後明吾非欲肆辨於子也得子之說始信孝子之言不可不多聞而孝

子之行不可不多見也然取孝經而內外傳之亦有說乎余曰有孔子云我志在春秋行在孝經春秋莫大於尊王孝經莫大於嚴父則孝經之重於天壤間也與春秋並左氏取春秋而內外傳之今左傳三十卷春秋之內傳也國語二十一篇春秋之外傳也詞不必與春秋類而無不與春秋相發明焉余之傳孝經而卷分內外也亦猶是焉爾余漸摩童子之天性親承長者之緒論久矣不有斯傳何以爲子何以爲人何以爲人子師至於後有伐吾傳如伐左氏黨吾傳如黨左氏者吾不遑

序三

寶田山莊

計也漫序於右

康熙十五年丙辰歲葭月上弦楚黃後學李之素題於望花西壇